


0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29



浙江圖書館




浙江圖書館




浙江圖書館

劉賓客文集卷第二



浙江圖書館

劉賓客文集卷第二



代郡開國公王氏先廟碑

彭陽侯令孤氏先廟碑

高陵縣令劉君遺愛碑

館

故吏部侍郎奚公神道碑

代郡開國公王氏先廟碑

唐制五等有爵服而無山川登于三事得立四廟備物崇祀以交神明敬先報本以輔孝治有國之令典也維長慶三年前相國王公始卜廟于西京崇業里公時鎮劔南東川上章曰臣涯官秩印綬品俱第三請如式以奉宗廟制曰可是歲仲冬申命長男孟堅祔其主于三室明年公入為御史大夫復以十二月

卷二

躬行烝祭間歲公出梁州就拜司空禮崇異數廟加
祀室大和二年增新室既成祔顯考于尊位告饗由
禮觀之者以為世程第一室曰上儀同豳州別駕府
君諱元政以妣博陵崔氏配第二室曰湖州安吉縣
令贈尚書刑部員外郎府君諱寶以妣贈扶風縣太
君馬氏配第三室曰朝散大夫青州司馬贈戶部侍
郎府君諱祚以妣贈武威郡太夫人賈氏配第四室
曰温州刺史贈太尉府君諱冕以妣贈魯國太夫人
博陵崔氏配初周靈王太子晉遇浮丘公化為神仙
時人號曰王家其後遂以命氏顯於秦者曰翦三世

皇唐

時人號曰王家其後遂以命氏顯於秦者曰翦三世

將秦師子孫分居晉代間東漢有徵君霸之孫甲亦
號徵君徙居祁縣為著姓故至于今為太原人自漢
涉魏益以熾昌凡十葉至後魏度支尚書廣陽侯罔
廣陽有二子神念神感神念南奔梁神感北仕齊惟
儀同府君廣陽侯五代孫也唐興于太原實從義旗
佐成王業故有開府儀同之寵惟刑部府君以功臣
子理二邑不躋貴仕故有錫羨後大之祥惟戶部府
君幼孤以孝聞於鄉曲未冠以文售於有司由前進
士補延州臨安縣主簿會詔徵賢良策在甲科授瀛
州饒陽尉歲滿遷渭南天后在神都而東畿差重遂

中山集

二

卷二

由渭南轉河陽適逢建萬象神宮旬內吏分董其役
因上書切諫繇是名益聞開元初以大理司直馳軺
車聯讞大獄聞禹翔漢所至決平蚤以藥棘傷生晚
成劇恙樂就夷曠故不至大官惟太尉府君生於治
平時以文學自奮年十有五竟然從秋賦明年春升
名予司徒又一年立宗御層樓發德音懸文詞政術
科以置髦士府君策最高授太常寺太祝未幾復以
能通道德南華冲虛三真經進監屋尉天寶中歷右
拾遺左補闕禮部司駕二外郎屬幽陵亂華遣兵南
服因佐閩粵改檢校比部郎中行軍司馬時中原南

寧江南為吉地二千石多用名德乃以府君牧溫州
朝廷虛公卿以俟高第及聞訃永嘉人輟春罷社搢
紳間以不淑相弔為雖位負于道而邁德垂矩後之
人得以續承丕揚之其儲休啓祐有自云爾生三子
皆聰明絕人長曰治以神童仕至檢校禮部郎中次
曰潔以竒文仕至國子司業今代郡公實季子也蚤
在文士籍射策建中咸世其家貞元中德宗聞其名
自蓋田尉召入禁中視草厥後三典書命再參內廷
憲宗器之付以國柄翊贊有道雖用免常居大僚今
年自梁州請覲上思用舊臣為羽儀遂領太常其公

卷二

府如故以一心事六君顯官重務靡不揚歷且夫起諸生至三公而心愈卑道益廣出授黃鉞以伯諸侯入服華章以謁家廟追崇極大位血食備多室享全榮而奉昭薦嗚呼公侯之孝歎宜書廟器以視喬公之三鼎其辭曰



閔字神庭邃清而嚴上公之儀四室耽：犧以潔牲
粢以大糝交神尚敬合魄尚氣子姪宗工駸奔奉事
副笄侈袂儼恪居次孝孫兢：執爵而升以裸以擗
以伏以興水陸具來羶薌畢登列于園方其器增：
乃禴乃嘗敬而追遠二昭二穆孝以尊本瞻：几幄

擗唐作擗

躡、堂相禮成起慕涕落玄衮濡露踐霜誰無永懷

相唐文

乃禴乃嘗敬而追遠二昭二穆孝以尊本瞻几幄
縮々堂相禮成起慕涕落玄袞濡露踐霜誰無永懷
不如達者哀與榮偕逢時奮庸誰不得位不如仁人
以道為貴惟公之達兮名以顯親惟公之仁兮德以
澡身六朝之清臣一代之全人宜其世家翼々振々
罔不肅祇于廟之門

彭陽侯令狐氏先廟碑

今上元年七月十三日汴州刺史宣武軍節度副大
使知節度事汴宋^亳等州觀察處置使銀青光祿大
夫檢校禮部尚書兼御史大夫上柱國彭陽縣開國
伯令狐公西嚮拜章上言守臣楚蒙被恩澤列為先
中仙集

卷二

侯得立家廟以奉常祀制書下其奏于有司於是善
相考祥得地於京師通濟里居無何新廟成公以守
藩故申命季弟監察御史定卜牲練日越八月丁亥
祔饗三室埴墉以尚幽設幄以迎精禮無尤遠神用
寧謚第一室曰秦州上邽縣尉諱濬以妣太原王氏
配第二室曰綿州昌明縣令贈吏部尚書諱崇亮以
妣贈太原郡夫人河東柳氏配第三室曰太原府功
曹叅軍贈太子太保諱承簡以妣贈魏國太夫人富
春孫氏配明年十月公由浚郊以介圭入覲真拜戶
部尚書進爵為魯侯既辭戎旃得以列侯謁三廟是

歲南至上不視朝又得以時展祭先期致齋栗然以

歲南至上不視朝又得以時展祭先期致齋栗然以
敬既齋盡志歆然永思奉其百順陳以具物始躋而
處恭終獻而汎瀾既卒事顧麗牲之石宜有刊紀乃
俾家老授其謀于所知云今狐晉邑也晉大夫魏顓
以輔氏之功始封焉其易名曰文國語所謂令狐文
子是已其先周文王之昭畢公高之裔畢萬為晉卿
始封于魏自萬至顓蓋四世其後三十七世藍田侯
蚪仕拓跋魏為燉煌郡太守子孫因家遂占數為郡
人藍田之孫熙在隋為納言惟上邽府君納言之玄
孫道克肖而位不至惟尚書府君西州之右族光未

卷二

耀而德已基惟太保府君志為君子儒以經明居上

第調補陽安縣主簿歷正平尉汾州司法參軍陝州

大都督府兵曹終于太原府首掾始以顯經進既仕

旁通百家愛穀梁子清而婉左丘明國語辨而工司

馬遷史記文而不華咸手筆朱墨究其微旨愷悌以

肥家信誼以急人德克蓋獨享天爵故休祐集于

身後徽章流乎佳城凡以子貴承澤降命書告第者

始贈尚書祠部郎中再贈禮部尚書三加右僕射四

為今稱一作四進太先夫人亦四從封密印壘邛

族聳慕生三子皆才彭陽公為嗣次子從端實肅給

今為檢校膳部郎中參河東軍事季子前所謂監察

州唐亦西

族登幕生三子皆才彭陽公為嗣次子從端實甫給

今為檢校膳部郎中參河東軍事季子前所謂監察
御史今主柱下方書溫敏而有文綽々然真令兄弟
唯彭陽以詞筆取科名累參侍從由博士主尚書牋
奏典內外書命遂登樞衡言文章者以為冠擁節總
戎率身和衆留惠于盟津變風于浚都言方略者以
為能夫浚師嘆喑難治乘釁竊發寔成習俗莅止五
載飲和革心束馬來朝熊羆墮隕涕問公還期觴必祝
之留為常伯旋命居守汴人聞公之東近而愈懷翹
々瞿々盡西其首言遺愛者可紀焉貴而率禮老而
能慕怵惕乎霜露齋莊乎廟祧睦其仲季施及鄉黨

中山集

六

止唐本作政

卷二

言孝悌者歸厚焉勒銘于碑以代夷彝鼎文曰

文唐文作銘

已孤之孝莫如備物顯新廟四阿三室時惟仲月

唐文作報

卜用柔日醴醲苾芬牲牲博膾籩無在堂蕭管在庭

孝孫烝躬若奉盈低簪委紳薦俎登鉶盼嚮交感

涕流緣纓禮以備儀誠以致美祖考來格錫之不祉

王唐文作休

工祝告訖退循軒祀乃授風人作詩以紀猗歎彭陽

之寵光佐憲皇穆皇西省東臺迭為侍郎國之

大政咨爾平章敬宗凝旒俾鎮雖立八為地官令守

雖唐文作雅

東州彭陽之忠厚宜介福以壽東郊既肇可復朝右

縣其胄系于周舊由我顯起必昌其後大和紀元

縣其由系于周舊由我顯起必昌其後大和紀元

作廟之首刻碑廟門龍集己酉

高陵令劉君遺愛碑

縣內之大夫鮮有遺愛在其去者蓋邑居多豪政出
 權道非有卓然異績結于人心決于骨髓安能久而
 愈思大和四年高陵人李士清等六十三人思前令
 劉君之德詣縣請金石刻縣令以狀申府唐李有之字以狀考
 于明法吏上言謹按寶應詔書凡以政績將立碑
 者其具所紀之文上尚書考功有司考其詞宜有紀
 者乃奏明年八月庚午詔曰可今書其章明有以結
 人心者揭于道周云涇水東行注白渠醜而為三以

卷二

沃關中故秦人常得善歲按水部式決洩有時畎澮
有度居上游者不得擁泉而顓其腴每歲少尹一人
行視之以誅不式兵興已還寔失根本涇陽人果擁
而顓之公取全流浸原為畦私開四竇澤不及下涇
田獨肥它邑為枯地力既移地征如初人或赴訴泣
迎尹馬而占涇之腴皆權倖家榮勢足以破理詐者
覆得罪繇是咋舌不敢言吞寃銜忍家視孫子長慶
三年高陵令劉君勵精吏治視人之瘼如燥疽在身
不忘決去乃循故事考式文暨前後詔條又以新意
請更水道入于我里請杜私竇使無棄流請遵田令

燥慶作瘼

使無越制別白纖悉列上便宜掾吏依違不決居二

請更水道入于我里請杜私竄使無棄流請遵田令

使無越制別白纖悉列上便宜掾吏依違不決居二
歲距寶曆元年端士鄭覃為京兆秋九月始具以聞
事下丞相御史御史屬元谷寶司察視持詔書詣渠
上盡得利病還奏青規中上以谷奉使有狀乃俾太
常撰日京兆下其符司錄姚康士曹掾李紹寶成之
縣主簿談孺直實董之冬十月百眾雲奔憤與喜并
口誅手運不屑鑿鼓揆功什七八而涇陽人以奇計
賂術士上言田白渠下高祖故墅在焉子孫當恭敬
不宜以畚鍤近阡陌上聞命京兆立止絕君馳詣府
控告具發其以賂致前事又謁丞相請以額血汚車

茵丞相彭原公歛容謝曰明府真愛人陛下視元元

無所怯第未周知情偽耳即入言上前翌日果有詔

許訖役仲冬新渠成涉季冬二日新堰成駛流渾

如脉宣氣萬荒漚冒迎耜澤音釋開塞分寸皆如詔

條有秋之期投鍤前定孺直告已事君率其寮躬勞

俸之烝徒謹呼奮襍襍而舞咸曰吞恨六十年明府

雪之摘姦犯豪卒就施為嗚呼成功之難也如是請

名渠曰劉公而名堰曰彭城按股引而東千七百步

其廣四尋而深半之兩涯夾植杞柳萬本下垂根以

作固上生材以備用仍歲旱沴而渠下田獨有秋渠

法唐文作悟

成之明年涇陽三原二邑中又權其衝為七堰以折

作圖上生材以備用仍歲旱沴而渠下田獨有秋渠

成之明年涇陽三原二邑中又攤其衝為七堰以折
水勢使下流不厚君詣京兆索言之府命從事蘇特
至水濱盡撤不當攤者繇是邑人享其長利生子以
劉名之君諱仁師字行輿彭城人武德名臣刑部尚
書德威之五代孫大曆中詩人商之猶子少好文學
亦以籌畫于東諸侯遂參幕府歷尹劇縣皆以能事
見陟率不時而遷既有績于高陵轉昭應令俄兼檢
校水曹外郎充渠堰副使且錫朱衣銀章計相愛其
能表為檢校屯田郎中兼侍御史幹池鹽于蒲錫紫
衣金章歲餘以課就加司勳正郎中執法埋人為循

吏理財為能臣一出於清白故也先是高陵人蒙被
惠風而惜其捨去發於胸懷播為聲詩今采其旨而
變其詞志于石文曰

館

噫涇水之逶迤溉我公兮及我私水無心兮人多僻
錮上游兮乾我澤時逢理兮官得材墨綬紫兮劉君
來能愛人兮恤其隱心既公兮言既盡縣申府兮府
聞天積憤刷兮沉疴痊劃新渠兮百畎流行龍蛇兮
止膏油遵水式兮復田制無荒區兮有良歲嗟劉君
兮去翱翔遺我福兮牽我腸紀成功兮鐫美石求信
詞兮昭懿績

求安祥作永

唐故朝議郎守尚書吏部侍郎上柱國賜

紫金魚袋贈司空奚公神道碑

嗚呼有唐清臣尚書吏部侍郎奚公貞元十五年十

月甲子薨于位詔贈禮部尚書太常考行鑑曰某是

歲臘月丁酉葬于萬年縣之某原後三十有四年子

為諸侯為大夫門戶有煇於是門下生琢石紀德揭

于我阡云公諱陟字殷衡其先在夏為車正以功封

子薛下故以降為譙郡人或因仕適楚復之秦今為

京兆人隋唐之際再世以明經為博士家有賜書曾

祖簡亦以文學為太子司議郎大父乾繹仕至光州

中山集

十

我唐文粹皆作新
故唐文粹皆作古

卷二

刺史烈考諱某有道而尚晦終徐州司功參軍贈和
州刺史由子貴也天以大運生萬物而以正氣錄賢
人至和來宅其德乃具公實有焉幼而擢陵茗之秀
長而成清廟之器群倫月旦咸以第一流處之及從
鄉賦暨升名太常果居上第明年詔郡國徵賢良設
四科以盡材公居文詞清麗之目授弘文館校書郎
時德宗新即位声烜虜庭西戎畏威底貢內附詔諫
議大夫崔河圖持節即虜帳以報之使臣欲盛其賓
寮以自大遂嘿表公為介換大理評事除書到門公
方為人子不敢許以遠稱病弗果行歸寧壽春養志

盡敬丞相楊炎勇於用才擢公為左拾遺奉安輿而

方為人子不敢許以遠稱病弗果行歸寧壽春養志
盡敬丞相楊炎勇於用才擢公為左拾遺奉安輿而
西未幾再集茶蓼居後喪將闋是歲建中四年京師
急變黃屋順動狩于巴梁公徒行間道以歸王所既
中月而詔授起居郎充翰林學士創鉅愈遲病不拜
職改太子司議郎從大駕回入尚書為司金元士且
參權筦之務有頃持愍冊宣恩于薊門將行錫銀朱
於青蒲上復命稱旨轉吏部外郎是曹在南宫為眉
目在選士為司命公執直筆閱簿書紛拏盤錯一瞬
而剖時文昌缺左右丞都曹差重遂轉左司郎中尋
遷中書舍人執事者繫公識精以斟酌大政非獨用

卷二

文飾也會江淮間民被水禍上愍焉特命公宣撫之
許以便宜及物赤車所至如東風變枯條其利病復
奏咸可轉刑部侍郎時主計臣延齡以險刻貴倖而
與京兆尹相惡以危事中之尹坐譴已又逮繫其吏
峻繩之事下司寇主奏議者欲文致而甘心焉公侃
然持平挫彼獄；君子聞之善其知道不私刑曹既
清以餘刃兼領選事居一年授權知吏部侍郎又一
年即真是秩言能審官者本朝有裴馬盧李四君子
物論以公媿焉時得疾發癰有國醫方直禁中上促
遣如第且敕之曰某賢臣也悉術以治之及有司以

不起聞上震悼加等公娶琅邪王氏石泉公之曾孫

遺如第且教之曰某賢臣也悉術以治之及有司以

不起聞上震悼加等公娶琅邪王氏石泉公之曾孫
友壻皆一時彥士長子某蚤不祿第二子敬則歷太
僕少卿今為濮州刺史兼御史中丞賜金紫以連最
就加貴秩俾視九卿第三子敬立以詞執似續登文
科歷左補闕今為尚書刑部郎中第四子冕舉進士
最小子某咸砥礪纂修宜為名公家子其邁德垂裕
之光乎公少以名器自任及顯達急於推賢視其所
舉則在西省薦權丞相由右史掌訓詞在中銓表揚
僕射由地曹郎綜吏部二公後為天下偉人凡執文
章權衡以揣量多士一八中禁考策詞三在天官第

唐李有侍
字連唐文作謀

唐李有也字

中山集

十三

卷二

章句披沙剖璞由我而顯者落落然居多推是風鑿
移于大治則鎔範之內無非祥金嗟乎天不遐其福
而孤民望使由庚之什不作於貞元中惜也初公既
齊終詔贈大宗伯後以第書子在卽位被霈澤再追
褒至司空故昔之葬儀用常伯而今之碑制用三公
云銘曰

仁麟智龍為瑞一辰未若君子瑞于人倫惟唐德宗
道類漢宣責實繩下風稜新言公丁斯時籍在雋賢
從難表節執羈而還帝曰汝噐黃流瑟然可為大僚
左右化源乃飾王度乃馳輶軒既執刑柄亦操吏權

陽和熙，貯在顏間守法持正疑如秋山火不侵玉

左右化源乃飾王度乃馳輶軒既執刑柄亦操吏權

陽和熙々貯在顏間守法持正疑如秋山火不侵王
倖臣畏服鳳鳴祥烟鼎噪位_低踰帝方倚用天不假年
公寐無寤其名愈遠門人達者赤舄玄衮公居甚卑
其德愈尊兩子朝服駢驅朱輪佳城何在曹貴之里
螭首龜趺德輝是紀嗚呼後人下拜于此

浙江圖

劉賓客文集卷第二

中山集

十三

卷二



浙江圖書館

劉賓客文集卷第三碑中



劉賓客文集卷第三碑中

唐故福建都團練觀察使薛公神道碑



許州文宣王新廟碑

館

唐故兼御史中丞贈太師崔公神道碑

唐故宣歙池都團練觀察使王公神道碑

唐故邠寧節度使史公神道碑

唐故福建等州都團練觀察處置使福州

刺史兼御史中丞贈左散騎常侍薛公神

道碑

浙

薛在三代為侯國介于鄒魯間傳世三十有一為齊

卷三

所并其公子犇楚錫土田于沛漢末避仇之成都曹
魏平蜀徙家汾陰遂為河東臨晉人自奚仲為夏車
服大夫距今數千年乘軒服冕奕冠世言氏族者
署為閔內甲姓天意若曰始有功於車服錫爾子孫
世々有之公諱謩字某曾祖寶胤以名家子且有學
行歷尚書郎雒州司馬邠州刺史王父繪有儒材刺
三郡金密綿皆以治聞累績至銀青光祿大夫封龍
門侯烈考承矩以文亡害任至大理丞公幼承前人
之覆露補崇文生歲滿得調主簿書于臺之譙苦二
邑又尉于東畿之河清貞元中上方與丞相調兵食

思得通吏治而習邊事者計相以公為對乃授監察

思得通吏治而習邊事者計相以公為對乃授監察
御史裏行充京兆水運使局居雁門主穀糴具舟楫
募勇壯且便弓矢者為榜夫千有餘人隸尺籍伍符
制如舟師詔以中貴人護之聲震塞上每發粟沂河
北行涉戎落以饋緣邊諸軍及乘障者雖河塞回遠
必克期如合符一歲中省費萬計累加侍御史內供
奉賜飛魚袋有司條白其勞入拜殿內史未幾淮海
節將以戎倅缺聞事下丞相御史擇可者僉曰公政
事已試遂授檢校戶部外郎兼御史淮南軍司馬尋
轉駕部郎中錫以金紫遇府遷申命真相趙國公帶

卷三

中書侍郎代之公主行臺留務趙公文茵及境視置
郵供帳及郊視將迎部伍下車視簾幃器備乃曰信
竒才也此不足以展驥朝廷知之擢為泗濱守既報
政就加御史中丞俄遷福建都團練觀察使閩有負
海之饒其民悍而俗鬼居洞砦音寨家桴筏者與華言
不通公兼戎索以治之五州民咸說元和十年某月
某日薨于位年六十七贈左散騎常侍夫人趙郡李
氏無兒蚤世繼夫人隴西李氏檢校禮部尚書河東
節度使說之女生子凝為嗣季子茂弘以諸侯禮儀
返葬故里蛾眉原從周也後二十有三年元曰開成

左唐文在

凝為平盧從事謹按今甲龍碑石來乞詞以垂于悠

返葬故里城眉原從周也後二十有三年元日開成

凝為平盧從事謹按令甲礮碑石來乞詞以垂于悠
久初公治粟于朔陸愚方冠惠文冠察行馬外事聆
風相厚謂可妻也以元女婦之明年愚入尚書為郎
職隸計司因白計相召公來會府行有日矣遇內禫
惟新愚以緣坐左貶間闕外役竟不克面然而公之
德善灌注心耳孝悌為根抵誠明枝葉之直方為天
質禮讓緣飾之所至藹然繇此道也公初下世故人
丞相李太師誌其墓其略曰弘深莊重幹敏絕人此
與遊者傳信之詞也豈誣也哉故作銘曰

河汾齋淪鼎氣歆雲散為昌光凝為賢人常侍之生

卷三

其宗孔碩從祖昆弟誥三百文館入仕幽龍未光
尺木為階欬然欲翔司會知材績宣朔方邊師萬喉
俟我羸糧汧于黃河路出戎疆募乃勇士阜衣挽航
膺索臂孤穹廬在旁虜聞公名憚不敢攘安北以南
列城相望率有儲待皆成金湯入居殿中分巡輦下
淮海軍大往為司馬軍中之治可移諸民乃牧于泗
乃廉于閩，悍而囂夷風晚急恩信綏之安然如蟄
閩方不淑天奪其福公薨于寢立楨以復天王廢朝
贈之金貂莓莓晉原鬱矣中條大墓舊阡松楸蕭々
笳鼓以歸德音孔昭

欽定四庫全書

許州文宣王新廟碑

歲在丙辰元日開成許州牧尚書杜公作文宣王廟
暨學舍于允隅革故而鼎新也前年公受社與鉞且
董淮揚汝南之師八月上丁釋菜于宣父之室陋宇
荒階不足回旋已事而歎乃詢黃髮有鄉先生前致
辭曰自盜起幽陵許為兵衝連戰交捩率無寧歲耳
說鈺鼓不聞弦歌目不知書不害為智邇來生聚教
養起居祖習壹出於軍容今幸天子憐許民為擇賢
侯此人人思治之時也公曰諾吾當先後之於是元
年修戒律以通衆志次年成郡政以蠲民瘼季年崇

卷三

教本以厚民風我言既從乃卜新宮湫水之瀕城池
在東登其杵坎其斧繩之墨之鑿杓枝梧載堅
載塗黜焉陵虛寢廟弘敞齋宮嚴闕軒墀廂廡儼雅
清潔門庭墻仞望之生敬外飾觚稜中設黼幄嚮明
當宁用王禮也堯頭禹身華冠象佩之容取之自鄒
魯及門覩奧偶形畫像之儀取之自太學尊彝籩豆
青黃規矩之器秉周禮也犧牲制幣薦獻陞降之節
遵國章也藏經于重檐斂器于度櫝講筵有位鼓篴
有室授經有博士督課有助教指蹤有役夫灑掃有
廟幹公又割隙地為廣圃蒔其柔蔬而常菹旨蓄之

俱唐文作灑

禦備捨已俸為子錢權其孳贏而益酪釭膏之用給

禮記卷三

廟幹公又割隙地為廣園時其柔蔬而常植上日苗之

禦備捨已俸為子錢權其孳贏而鹽酪釭膏之用給
濟之萃之化行風驅家慕恭儉戶知敬讓父誨其子
兄規其弟不遊學堂與捷市同縣是縻勇爵戴鷩冠
者徃徃弭雄姿而觀習禮矜甲冑者知根於忠信服
縵胡者不敢侮逢掖教化之移人也如置郵焉冬十
一月許人以新儒宮成來告具乞詞欲行乎遠也公
名宗字永裕故丞相岐國公之孫岐公弼諧三帝碩
學冠天下嘗著書二百餘篇言禮樂刑政古今損益
統名曰通典藏石室副行人間今孝孫聿脩之刑
乎事業播于声詩懿哉能世其家也禹錫昔年忝岐

御唐文作御

中山集

五

卷三

公門下生四參公府近年牧汝州道許昌躬閱其政
故不得讓遂銘于麗牲之碑銘曰

許分韓魏四征之地兵興已還其闕嘽亦有儒宮
軋于兵間賢侯戾止思樂泮水俾人向學王化之始
便地爰相新規鬱起廟貌斯嚴堂皇有煒秩有禮物
祁子胄子入于門牆如造闕里春誦夏弦載颺淑声
風于閭閻浹于郊坰途讓班白家尊父兄與化而遷
其猶性成昔之委巷相詬交侮今逢親戚不道喋語
昔之連營誇力使酒今遇賓客斂容拱手曾有泮林
鳥革其音許崇學敷民說其教鐫于圭石以志新廟

分唐孫介

鳥章其音許崇學數民說其教鐫于圭石以志新廟

唐故朝散大夫檢校尚書吏部郎中兼御

史中丞賜紫金魚袋清河縣開國男贈太

師崔公神道碑

館

太師名倓字某倓清河東武城人太公望既封于營立

名倓唐史作謹陸

子伋嗣侯伋之孫曰穆伯食邑于崔遂以為氏後十

四世至秦末東萊侯意如東萊之子伯基始居清河

又十五葉生琰為魏名臣又九葉生休仕後魏為七

兵尚書七兵之弟曰寅為樂安太守公即樂安八代

孫始以門子補鄭州參軍力行好學於子道以孝聞

門子補唐史作開國侯

處伯仲間以友聞讀易至編絕以精義聞至德中戎

中山集

六

卷三

羯獠夏王師出征公少有奇志思因時以自奮乃作

伐鯨鯢賦上獻既聞上爾矣果噐之會第五丞相以善

言利得幸盡付利權始有鹽鐵使之目慎選寮屬表

公為介轉臨晉縣丞處繁應卒銳刃不頓府罷再遷

至太子司議郎韓晉公時為戶部侍郎掌邦賦急於

用材薦公為監察御史主河東租庸之務尋轉侍御

史克京東平糴使建中初德宗始親萬機儲精治本

有漢宣與我共理之歎謂大臣求可當良二千石者

遂以公帶本官權知袁州刺史期月有成詔書顯揚

就加真袂益以金紫居無何韓晉公為丞相制國用

大理評事府罷歷河中府司隸參軍

復遷侍御史

殿中

目唐書官

思公前績乃傳召之抵京師授檢校戶部郎中兼侍

就加真秩並以金紫居無何韓晉公為丞相制國用

思公前績乃傳召之抵京師授檢校戶部郎中兼侍

御史韓池益于蒲修宇益謹衡石煎和既精飴散乃

盈商通而存至吏懼而循法民不絀綢而國用益饒

歲杪會其所入贏羨什百詔下褒其能轉吏部正郎

兼御史中丞且加五等之爵方倚以重任天富其材

而不遐其福享齡六十有五貞元七年某月某日邁

疾終于治所上聞悼之因降愍冊贈鄭州刺史賚錢

三百萬以備飾終之禮明年某月某日返葬于成周

之偃師從世墓也累贈至太師夫人隴西李氏汾州

司倉參軍咸一之女生才子六人長曰邠及公時已

中山集

七

正唐女侍

終于治所唐集作字官因唐女侍即

唐公兵部贈至太師五字

倉唐女侍

卷三

為左拾遺後至太常次曰卿鄴至太府卿次曰鄴至外
 臺尚書次曰鄴今為廷尉次曰鄴至執金我季曰鄴
 今為太常卿同中書門下平章事惟夫人為姑減冠族
 以蘋蘩組紉輔佐君子為令妻積三十餘年以慈儉
 忠厚訓誡諸子為賢母二十有三年當永貞初順宗
 踐祚澤流自百葉長子卯時為詞臣草冊書以文當進
 階遂上疏乞移榮於親優詔允之特封清河郡太君
 士林聳慕皆自痛其不及卯為太常鄴為大農咸白
 髮貴緩以奉膳羞諸季各以簪裾給事左右愉然
 先意無違言世榮者舉無與比以子貴累封贈至涼

馬鐘致養居然一室雅熙太和
皆嗣人傑

進唐文作晉

國太夫人元和八年三月十六日捐館舍壽七十有

先意無違言世榮者舉無與比以子貴累封贈至涼

國太夫人元和八年三月十六日捐館舍壽七十有

九是歲十月某日合祔惟太常及尚書暨今相國皆

自中書舍人為禮部侍郎凡五貢賢能書得士百四

十有八人言兄弟者許為人瑞崔氏之門六人皆入

文昌宮其間三人歷八侍郎統而論之四大卿兩連

率二翰林學士一執金吾言冠冕者許為世雄與姑

臧李范陽盧世為婚媾入于姻黨無第二流言門閥

者許為時表太常二子亦以才能同入尚書璜為吏

部郎瓘為司勳即其它支孫未登金閨籍者詵然

魚貫而進文業甚似而孝謹不衰猗歎君子之澤其

中山集

八

陽唐文作楊

似唐文作當

所從來遠而有光乎開成己未歲七月甲辰相君受

子唐著作已

詔于明庭始操國柄仲月奉嘗事于家禮成起慕梢

明慶作朝

然永懷曰古者卿大夫廟有鼎墓有碑皆銘之以紀

先德也今備位宰相敢不敬前人之耿光乃俾家老

條白事功咨於學古者徵其詞尚信也又命宗祝卜

柔日告于廟盡誠也儀甚備而敬有餘斯所謂達礼

之君子遂刊勤如式揭于道周銘曰

奕々四姓崔為之冠瞻其門墻倬若雲漢善積家肥

子孫多材如彼榱棟必生徂徠太公之後彌二千祀

炯如貫珠焯見圖史顯允太師丕承德基構于其堂

明唐著作
焯唐著作

亦既陞生逢艱虞戎夏交師獻賦伐叛忠存乎詞

炯如貫珠燁見圖史顯允太師丕承德基構于其堂

亦既墜茨生逢艱虞戎夏交師獻賦伐叛忠存乎詞

兵興事叢飛輓四馳歷踐劇職視屯如夷乃主平糶

乃分符符使治粟為邦其道一致蒲實近地鹽為利泓

使車來思刻弊立程吏廉商通歲倍其贏奏課連最

德音褒明就加執法好爵兼榮天賦之才不與壽并

生樹德本沒揚淑声上聞軫懷有樂為停贈祿之禮

侔于公卿萬石貽訓根於孝友太丘種德乃稔身後

家有令子妻為壽母三十餘年人倫之首六子來侍

如龍如虎眾婦來饋維筐及管佩玉鳴環交響庭戶

申申秩，歡不踰矩昔為甲族今為興門天爵人爵

中山集

九

北唐孫作險

德唐作張

上聞軫懷
唐作畢老
龍春音

倭唐作冠
丘唐女作公

三唐女作二

甲唐女作望

卷三

蔚然兩尊先德蔭之默如重雲孕和合粹濯潤本根

重慶作垂

景臺之原圖書之川陽陵帝壇旁礪回環世安其神

陽慶作湯

世嗣其賢聆德風者拜于碑前

唐故宣歙池等州都團練觀察處置使宣

州刺史兼御史中丞贈左散騎常侍王公

神道碑

常侍諱質字華卿始得姓自周靈王太子晉賓天而

僂時人曰王子因去姬為王氏自秦漢以還世多顯

名由今而上十有一代名傑仕元魏為并州刺史子

孫因家遂為太原祁人并州六代孫名通字仲淹在

隋朝諸儒唯通能明王道隱居白牛谿游其門皆天

孫因家遂為太原初人并州六代孫名通字仲淹在

隋朝諸儒唯通能明王道隱居白牛谿游其門皆天下
儁傑著書行於世既沒謚曰文中子文中生福祚
為蔡州上蔡主簿上蔡生勉舉進士徵賢良皆上第
仕至河中府寶鼎令寶鼎即公之曾祖也祖諱怡渝
州司戶叅軍考諒潛揚州天長縣丞贈尚書吏部郎
中公其季子也始文中先生有重名於隋末其弟績勸
亦以有道顯於國初自號東臯子文章高逸傳乎人
間議者謂兄以大中立言弟游方外遂性二百年間
君子稱之雖四夷亦聞其名字公雅有遠志常自忖
度我大名之後不宜無見焉遂力學厚自淬琢於春

卷三

秋得其公是於禮得之約僑居泚水上躬督穡事善
積於已而淮楚間群彥多與之游公歎然自少無進
取意與游者激之曰卿文儒家子篤志如是盍求發
聞去聲俾家聲不頽今夫以文學芒洋當世者誰如華
卿庸自棄耶入謀于閨門咸以外言為是因決策而
西上在貢士籍天和內克不以時尚屑意角逐攻取初
無此心如榿楠生于深林未始自貴而度材者一眄
歆然在懷故以不爭而速售所既登第東諸侯交辟之
從主者書記于嶺南授正字叅謀于淮右進協律郎
其後佐許下暨梓潼南梁率為上介官至兼監察御

其後佐許下暨梓潼南梁率為上介官至兼監察御

史司憲聞其賢徵入南臺轉殿內歷侍御史改尚書

戶部員外郎復為知己所薦遷檢校司封郎中攝御史

中丞紫衣金章充山南西道節度副使入為尚書戶

部郎中以方雅特立除諫議大夫會宋丞相坐狷直

為飛語所陷抱不測之罪大僚進言無益公率諫官

數輩日晏伏閣上為不時開便殿公於旅進中獨感

激雪涕居多由是上怒稍解得從輕比公終以言責

為憂求為虢州刺史宰相惜去又重違誠請增之以

兼御史中丞用亦異於人也大凡以智謀而進者有

時而衰以朴厚而知者無迹而固公雅為令揚州牧

中山集

士

卷三

贊皇公所知人不見其迹方其號略贊皇入相擢為

左曹給事中凡有大官缺必寵薦居數月遷河南尹

又未幾鎮宛陵是三者中外所注意不旬歲而周歷

之時論不以為黨河南帝之別京其治尚休度風采

而別白區處之宣城國之樂壤其治在東更惠下蘇

罷羸警剽輕而勞徕澄汰之公兩得其道不由一檢

率身以儉而素風存任人以誠而群務舉遇中貴人

以禮而故態草內潔其志不盡其忠外無以撓於理

三者具求政之有裨曷由哉在鎮三載開成元年十

二月八日薨于位享年六十三監軍使上言有詔軫

檢唐書撰

悼不視朝贈左散騎常侍明年八月十一日葬于河

二月八日薨于位享年六十三監軍使上言有詔軫

悼不視朝贈左散騎常侍明年八月十一日葬于河
南府永寧縣洛川鄉史原從舊阡也初公娶于滎陽
鄭氏生三女而沒今蓋祔馬子曰慶存方齒矣猶
子前太原府參軍扶執宗長書來請曰扶也蚤孤荷
世父常侍之覆露今其嗣幼未任克家姑封琴書司
管鑰以俟其長竊懼世父之德音不敷思有以垂于
後者以誠告于從叔大司農復命曰俞謹礱貞石以
乞詞無忽余昔為郎與常侍同列已熟其行實及讀
墓誌即今丞相益州牧趙郡李公之文自稱為忘形
友其在宣州李公再入相議以第一官處之牢讓不

借唐文作棠

鑰唐文作鑰

中山集

十一

卷三

取羔鴈所禮則河東裴夷直天水趙哲隴西李行方
吳郡陸紹梁國劉蕢博陵崔珣人咸曰得士夫揚州
少與也而見器益州寡合也而見親六從事才不一
也而畢樂周用是足以觀德庸可勿紀焉銘曰

隋有文中紹敷微言當時偉人咸出其門粹氣紆餘

鍾于後昆常侍恂文中采孫發源高麓中沫後大

蘭牙茁然秀出叢薈善不近名其聲日彰行勇於退

其道愈光哲者知之寘于周行以正持憲以文為郎

以和佐戎以惠臨邦以直司諫以公駁政守于三川

頑民底定乃鎮于宣先馳淑聲邑中婆日瞻我旆旌

問誰詢謀濟，君子問誰出內潔，廉士道本乎心

問誰詢謀濟，君子問誰出。內潔，廉士道本乎心。
暢于四支，治本乎正形。于百為，黠吏歛手，齊民揚眉。
江淮藪空，夜柝弗施。公卧于齋，邦民悽。公衣升屋，
邦民行哭。牙璋斯來，柳翼言旋。棠樹未老，周人慕焉。
熊耳之陽，決，洛川佳城在茲。既固且安，松楸颯然。
石馬矯然，過者必敬。宛陵之阡。

唐故邠寧慶等州節度觀察處置使朝散
大夫檢校戶部尚書兼御史大夫賜紫金
魚袋贈右僕射史公神道碑

僕射名孝章，字得仁，本北方之強世。確確翔野，其後因

卷三

任中國遂為靈武建康人曾祖道德贈右散騎常侍

封懷澤郡王祖周洛銀青光祿大夫檢校太常卿兼

御史中丞北海郡王贈太子太保考憲成蚤以武勇

絕人積功至魏博節度使終于河中晉絳慈隰等州

節度觀察使檢校司徒兼侍中河中尹贈太保其薨

也大臣中書今晉國公裴氏為之碑其名益顯公即

侍中之元子母曰冀國夫人李氏幼而聰寤父母賢

而加愛焉及長好學遷善秀出儕輩下諸兒號為

書生元和中太尉翹為魏帥下令掄材於轅門取大

將家翹秀者為子弟軍列于諸技之上公獨昌言願

咸唐文作誠

寤唐亦作悟

效文職太尉深奇之遂假魏州大都督府叅軍長慶

將家翹秀者為子弟軍列子諸拔之上公獨昌言願
效文職太尉深竒之遂假魏州大都督府叅軍長慶
二年常山衆叛害其帥沂國公田司徒於帳下沂公
發跡于魏人猶懷之詔命其子布以尚書授鉞統魏
兵問罪于北疆且報家禍布既啓行士氣不振渙然
內潰獨與冗從之旅偃旗而歸百憤攻中卒自引決
先侍中時為中軍都知兵馬使兼御史中丞全師在
野闕然推戴之請為假侯以鎮定中貴人飛驛上聞
穆宗夜召翰林學士草詔書以真侯命之實有魏土
從衆而合權也是歲公自攝官轉本府士曹叅軍兼
監察御史賜朱衣銀印推恩以及子也一旦跪於父

母前進苦言曰臣竊惟大河之北池地雄兵精而天下

賢士心侮之目曰河朔間視猶夷狄何也蓋有土者

多乘兵機際會非以義取今臣家父侯母封化為貴

門君恩至矣非痛折節礪行彰信於朝廷無以弭識

者之譏寤明君之意節著於外福延于家乘時蹈機

禍不旋踵言訖泣下數行父俞母贊天性交感三心

既叶萬眾潛化天子聞而嘉之曰彼真有子乃授檢

校太子左諭德兼侍御史充節度副使累遷至散騎

常侍兼御史大夫賜金印紫綬既貳軍政事如命卿

弛張損益得以衆決潛革故態人知嚮方大和二年

有唐文宗

滄景節度使李全略卒其子同提竊據故地詔下以

地張損益得以參選潛革故態人知嚮方大和二年

滄景節度使李全略卒其子同捷竊據故地詔下以

文告弗草遂用大刑先侍中表請率先諸侯使元子

告唐文作諾

以督戰制曰可公承君父之命乃捐其軀一舉而下

平原壓滄壘由是加工部尚書及王師凱旋上表願

一識承明廬詔允之遂赴北闕下得覲於便殿上曰

嚮吾始征滄州議者皆曰彼魏之姻也慮陰為寇謀

我發使數輩以偵之其還也僉曰爾父瀝款於賓筵

爾毋抗詞於簾下願絕姻以立效其經始啓發出於

爾心今滄海底平策勳之日宜貴爾三族命爾父為

侍中遷鎮于近地加爾禮部尚書析相衛瀘三州為

中山集

十五

卷三

鎮以居之俾爾一門大榮以誇天下公拜稽首謝父

聖唐文作翼

遷讓已爵禮無違者翌日詔下于明庭人咸曰史氏

之寵光古無有也牙旗碧幢方指東道侍中以帳下

生變聞恭極而否當歌而哭迎柩于路仰天長號因

葬于洛陽之印山冀國夫人祔焉寢苦枕塊以所仇

印唐文作北印

同天為大酷未幾詔舉金革之義起為右金我將軍

累表陳乞有司以違命督之輿疾即路間歲擢授鄜

坊丹延等州節度觀察處置等使居四年遷鎮于滑

一歲入為右領軍衛大將軍旋改右金吾大將軍又

授鉞于邠土孟秋至治所首冬遘疾拜章入覲不克

展和鸞鳥偉革之儀薨于靖恭里之私第享齡三十九

展和鸞幃葦之儀薨于靖菴里之私第享齡三十九
當開成三年十月二十日上聞而悼之不視朝一日
贈尚書右僕射明年二月歸葬于洛都夫人琅邪王
氏馬祔馬繼室深澤縣君博陵崔氏有一子曰煥生七
年而孤僕射之喪自復魄至葬當門戶備祭祀建碑
表皆縣君之能且命其家老具事功來請曰娶不恤
家而憂幼嗣不知其先人之官業乞詞以傳于後也
君子以為知禮謹書之銘曰
斗極之下崆峒播氣鍾于侍中孔武且貴奉上致命
宜昌後嗣僕射承之良弓不墜耳煩鉦鼓心說文字

虎穴之中生此麒麟犬和紀元滄景不度子弄父兵

跳浪海壖有隣陰交蝟起雞連詔下薄伐良隅騷然

時惟侍中實統魏師蓄銳未發衆心危疑僕射為子

陳謀盡詞興言涕零有感尊慈絕姻效節精貫神祇

滄波底寧王師衰之乃遷元侯來鎮近畿乃昨元子

別建旌麾一門四節焜耀當時倏忽變生魏郊紛披

喬木未雖大盲風不知干雲之臺列缺焚之哀哀孝嗣

丁此大酷迎護幃輶葬于東洛詐天觸地血染縑服

禮有金革詔書敦促不遂枕戈驟膺推轂雕陰白馬

暨于邠谷雖榮三鎮不荷百祿綺紈之間珪組纍纍

師唐女命
昨唐祚祚

如彼晨葩日中而萎有妻名家有子穉齒行號執禮

續唐書

如彼晨葩日中而萎有妻名家有子穉齒行號執禮
歸空萬里洛水之陽循却之趾昭尊穆敬幽顯同理
舊松新栢亦象橋梓刻石紀功垂千萬祀

執唐蘇報

循唐蘇修

浙江圖書館

劉賓客文集卷第三
中山集

十七

卷三



浙江圖書館

劉賓客文集卷第四碑下

釋門銘記附

劉賓客文集卷第四碑下 釋門銘記附

曹溪第六祖大鑿禪師第二碑

佛衣銘并引

館

唐故衡嶽律大師湘潭唐興寺儼公碑

牛頭山第一祖融大師新塔記

袁州萍鄉縣楊岐山故廣禪師碑

夔州始興寺移鐵像記

毗盧遮那佛華藏世界圖讚

成都府新修福成寺記

大唐曹溪第六祖大鑿禪師第二碑



卷四

元和十一年某月日詔書追褒曹溪第六祖能公謚
曰大鑿寶廣州牧馬惣以䟽聞繇是可其奏尚道以
尊名同歸善、不隔異教一字之褒華夷孔懷得其
所故也馬公敬其事且謹始以垂後遂咨於文雄今
柳州刺史河東柳君為前碑後三年有僧道琳率以
其徒由曹溪來且曰願立第二碑學者志也維如來
滅後中五百歲而摩騰竺法蘭以經來華人始聞其
言猶夫重昏之見習爽後五百歲而達摩以法來華
人始傳其心猶夫昧旦之覩白日自達摩六傳至大
鑿如貫意珠有先後而無同異世之言真宗者所謂

頓門初達摩與佛衣俱來得道傳付以為真印至大

鑒如貫意珠有先後而無同異世之言真宗者所謂

頓門初達摩與佛衣俱來得道傳付以為真印至大
鑒置而不傳豈以是為筌蹄邪芻狗邪將人人之莫
已若而不若置之邪我不得而知也按大鑒生新州
三十出家四十七年而沒既沒有六年而謚始自蘄之
東山從第五師得授記以歸高宗使中貴人再徵不
奉詔第以言為貢上敬行之銘曰

至人之生無有種類同人者形出人者智蠢，南裔
降生傑異父乾母坤獨肖元氣一言頓悟不踐初地
五師相承授以寶器宴坐曹溪世號南宗學徒爰來
如水之東飲以妙藥差其瘖聾詔不能致許為法雄

差唐文作瘖

中山集

二

卷四

去佛日遠群言積億著空執有各走其域我立真筌
揭起南國無修而修無得而得能使學者還其天識
如黑而迷仰見斗極得之自然竟不可傳口傳手付
則礙於有留衣空堂得者天授

佛衣銘并引

吾既為僧琳撰曹溪第二碑且思所以辯六祖置衣
不傳之旨作佛衣銘曰

佛言不行佛衣乃爭忽近意遠古今常情尼父之生
土無一里夢奠之後履存千祀惟昔有梁如象之狂
達摩救世來為醫王以言不痊因物乃遷如執符節

行乎復聞民不知官望車而畏俗不知佛得衣為貴

行乎復閔民不知官望車而畏俗不知佛得衣為貴
壞色之衣道不在茲由之信道所以為寶六祖未彰
其出也微既還狼荒憬俗蚩不有信噐衆生曷歸
是開便門非止傳衣初必有終傳豈無已物必歸盡
衣胡久恃先終知終用乃不窮我道無朽衣於何有
其用已陳孰非芻狗

唐故衡嶽大師湘潭唐興寺儼公碑

佛法在九州間隨其方而化中夏之人汨於榮破榮
莫若妙覺故言禪寂者宗嵩山北方之人銳以武攝
武莫若示現故言神通者宗清涼山南方之人剽而

卷四

輕制輕莫若威儀故言律藏者宗衡山是三名山為
莊嚴國必有達者與山比崇南嶽律門以津公為土^上
首津之後雲峰證公承之證之後湘潭儼公承之星
月麗天珠璣同貫由其門者為正法焉公號智儼曹
氏子世為柳之右姓兆形在孕母不嗜葷成童在侶
獨不嗜戲其夙植因厚者欵生九年樂為僧父不能
奪其志抱經筭入响嶠山從名師執業凡進品受具
聞經傳印皆當時大長老我入明門不住諸乘我行
覺路徑入智地居室方丈名聞大千護法大臣多所
賓禮嗣曹王鼻之鎮湖南請為人師自是登壇莅事

三十有八載由我得度者萬有餘人人持寶衣解瓔
珞為禮公色受之謂門弟子曰彼以有相求我我以
有為應之凡建寶幢修廢寺飾大像皆極其工應物
故也元和十三年九月二十七日中夜具湯沐剃頤
頂與門人告別即寂而視身與色無有壞相嗚呼豈
生能全我真故死不速朽將有願力邪余不得而知
也問年八十二問臘六十一葬于寺東北隅傳律弟
子中巽道準傳經弟子圓皎貞璨與其徒圓靜文外
惠榮明素存政等欲其師之道光且遠故咨余乞詞
乃作長句偈以銘之曰

卷四

祝融靈山禹所治非夫有道不可止中有毗尼出塵
士以津視儼猶孫子登壇人師四十祀南方學徒宗
與旨幻無童心至兒齒識滅形全異凡死長沙潭西
幾五里陶侃故居石頭寺門前一帶湘江水吁嗟律
席之名兮與湘流而不已

牛頭山第一祖融大師新塔記

初摩訶迦葉授佛心印得其人而傳之至師子比丘
凡二十五葉而達摩得焉東來中華人奉之為第
一祖又三傳至雙峰信公雙峰廣其道而岐之一為
東山宗能秀為其後也一為牛頭宗巖持威崔林徑

山其後也分慈氏之一支為如來之別子咸有祖稱

幾唐五作逾

山其後也。分慈氏之一支為如來之別子。咸有祖稱。
粲然貫殊。大師號法融。姓韋氏。延陵人。少為儒。博極
羣書。既而歎曰。此仁誼言耳。吾志求出世間法。遂入
句曲。依僧旻。改逢掖而緇之。徙居是山。宴坐石室。以
慧力感通。故旱麓泉涌。以神功示現。故皓雪蓮生。巨
蛇摧伏。羣鹿聽法。貞觀中。雙峯過江。望牛頭頓錫。曰。
此山有道氣。宜有得之者。乃來。果與大師相遇。性合
神授。至于無言。同躋智地。密付真印。揭立江左。名聞
九圍。學徒百千。如水歸海。由其門而為天人師者。皆
脉分焉。顯慶二年。報身示滅。道在後覺。神依故山。戒

殊唐文作殊

授唐文作契

卷四

香不絕龕坐未飾夫豈不思乎蓋神期冥數必有所待大和三年潤州牧浙江西道觀察使檢校禮部尚書趙郡李公在鎮三閏百為大備尚理信古儒玄交脩始下令禁桑門販佛以眩人者而於真實相深達焉常謂大師像設宜從本教言自我啓因自我成乃召主吏籍我月入得緡錢二十萬俾秣陵令如符經營之三月申子新塔成事嚴而工人盡執誠達而山神來護願力既從衆心知歸撞鐘告白龍象大會諸天聲香之蘊如見如聞即相生敬明幽同感尚書欲傳信于後遠命愚志之夫上士解空而離相中士著

空而嫉有不因相何以亦覺不由有何以悟無彼達
真諦而得中道者當知為而不有賢乎以不修為無
為也

袁州萍鄉縣楊岐山故廣禪師碑

天生人而不能使情欲有節君牧人而不能去威勢
以理至有乘天工之隙以補其化釋王者之位以遷
其人則素王立中區之教懋建大中慈氏起西方之
教習登正覺至哉乾坤定位而聖人之道參行乎其
中亦猶水火異氣成味也同德輪轅異象致遠也同
功然則儒以中道御羣生罕言性命故世衰而寢息

卷四

佛以大悲救諸苦廣啓因業故劫濁而益尊自白馬

私唐本作宏

東來而人知像教佛衣始傳而人知心法私以權實

示其攝修味真實者即清淨以觀空存相好者怖威

神而遷善厚於求者植因以覬福羅於苦者證業以

銷冤革盜心於冥昧之間泯愛緣於死生之際陰助

形唐本作刑

教化總持人天所謂生成之外別有陶冶形政不及

曲為調柔其方可言其旨不可得而言也惟四海之

大群倫之富必有以得其門而會其宗者為世導師

焉禪師諱乘廣其生容州姓張氏七歲尚儒以姐豆

壞唐本作懷

為戲十三慕道遵壞削之儀至衡陽依天柱想公以

啓初地至洛陽依荷澤會公以契真乘洪鐘蘊聲和

啓初地至洛陽依荷澤會公以契真乘洪鐘蘊聲扣
之斯應陽燧合焰晞之乃明始由見性終得自在常
謂機有淺深法無高下分二宗者衆生存頓漸之見
說三乘者如來開方便之門名自外得故生分別道
由內證則無異同遂以攝化為心經行不倦愍彼南
裔不聞佛經由是結廬此山心與境寂應念以起教
隨方而立因居涉旬而善根者知歸逮周月而帶縛
者漸悟以月倍日以年倍時暗矇洞開荒憬潛革邑
中長者十方善衆咸發信願大其藩垣法堂四阿股
引僧舍身心恒寂象馬交馳墮其去來皆得利益踰
合唐文作舍
股唐文作復
墮唐文作隨

嶺之北涉湘而南仰茲高山知道有所在此地緣盡
脩然化俱神歸佛境悲結人世自跌坐而滅至于荼
毗三百有六旬矣瓜髮加長容澤差衰真子號呼圍
繞薪火得舍利如珠璣者數千百焉於戲肖圓方之
形故寂滅以示盡入菩提之位故殊相以現靈亦猶
鳳毛成字麟角生肉必有以異不知其然於是服勤
聞法之上首曰甄升乃率其徒圓寂道弘如亮如海
等相與枚湊具役建塔于禪室之右端從衆也初廣
公始生之辰歲在丁巳當玄宗之中元生三十而受
具更臘五十二而終之夕歲直成寅當德宗之後

千唐文作十

元三月既望之十日也。後九年其門人還源以為
崇塔以存神與建銘以垂休。皆憑像寄懷。不可以闕
一。謬謂余為習於文者。故塗足千里。以誠相攻。大懼
其先師德音與時寢遠。且曰。白月中黑。東川無還。颺
千金石傳信百劫。彼墮淚之感。豈儒家者流專之。敬
酬斯言。銘亦真俗文曰。

圖

如來說法徧滿大千。得勝義者。強名為禪。至道不二
至言無辯。心法東行。群迷丕變。七葉無嗣。四魔潛扇。
佛衣生塵。佛法如線。吾師覺者。冥極道樞。承受密印。
端如貫珠。一室寥然。高山之隅。為法來者。千百人俱。

卷四

裔民嗤！戶有犀渠攝以方便家藏佛書願力既普
度門斯盛合為一乘散為萬行即動求靜故能常定
絕緣離覺乃得究竟生非我樂死非我病現滅者身
常圓者性本無言說付囑其誰等空無得後覺得之
像閱虛塔迹留仁祠十方四輩瞻禮於斯

夔州始興寺移鐵像記

佛薪盡于乾竺而像教東行是法平等故所至為淨
土是身應供故隨念如降生先是魚復人有以利金
為彌勒像者重千鈞醉客瑞相人天兩足鳧氏卒事
而它工未備故寓于西偏不知其幾年矣寺僧法照

得唐作礙
虛唐作靈

瞻禮發信赤肩白足入諸大城乃至聚落無空過者

瞻禮發信赤肩白足入諸大城乃至聚落無空過者
積十餘年得信財無量繇是購工以嘗巧募徒而畢
力四輩增增工糜以肱中樞外脉陰轉陽動歛如地
踴湧炭如山行大匠無言尊容嚮明青蓮承跌金獸捧
持藻井花鬘葱蕤四垂邑人膜拜如佛出世法照以
願力能就泣于佛前因持片石乞詞以示後按此寺
始於宇文周初瀕江埤庫皇唐神龍中為水所壞有
波那賴耶國僧廣照浮海而至頓錫不去遂移於今
道場所山曰磨刀嶺曰虎岡其經始與克修皆蕃僧
是力後之有志者豈無人哉法照夔人姓穆氏年十

卷四

有五出家依江陵名僧受具聲自貞元二十年甲申
歸此寺願崇建有為凡修大殿立菩薩大弟子侍佛
左右逮長慶癸卯有成其善植德本者歟

此盧遮那佛華藏世界圖讚

佛說華嚴經直入妙覺不由諸乘非大圓智不能信
解德宗朝有龍象觀公能於是經了第一義居上都
雲華寺名聞十方沙門嗣肇是其上足以經中九會
纂成華藏俾人瞻禮即色生敬因請余讚之即說讚

曰

清淨不染花中蓮捧持世界百億千躡出香海浩無

邊風輪負之豈夜旋火堆九會化諸天澤梵八部來

清淨不染花中蓮
捧持世界百億千
蹟出香海浩無
邊風輪負之晝夜旋
大雄九會化諸天
釋梵八部來
森然從昏至覺不依緣
初極極性自圓
寫之綃素
色相全是色非色
言非言館

成都府新修福成寺記

益城右門銜大達坦然西馳曰石笋街之北有仁
祠形焉直啓曰福成寺之殿臺與城之樓交錯相
輝繡于碧霄望之如崑閭間物大和四年蜀帥非將
材不修邊備南詔君長謀得內空乘隙空入闢于城
下或縱火以駭衆此寺乃焚高門修廊委為寒燼如
是者再歲帝念坤維丞相復來山川如迎父老相識

卷四

環視故地寺為燹墟載興起廢之歎爰有植因之願
乃命主俸吏以吾緡錢三十萬為經營之基自公來
思蜀號無事時康歲稔人樂檀施公言既先應如決
川乃傾囊褚乃出懷袖勝因化愚慧力攝慳男奔女
驟急於徵令匠者度材以指衆徒藝者運思以役衆
技斤鋸磨礱石丁下登；陶者儲精巧者效能欸自火
宅復為金繩沿故鼎新因毀成妍華夷縱觀萬目同
聳既告訖役公來慶成雲鮮日潤輝映前後於是都
人舞抃而誦曰

昔公去此福成以燬今公重還福成復完民安軍治

亦如此寺庸可勿紀乎公實聞斯言遂折簡見命謹
月而日之時大和某年某月日大檀越具官封爵段
氏其它發大願者程功董事者自中貴人及賓寮將
吏若僧徒偕籍之而刻于石

浙江圖書館

劉賓客文集卷第四

中山集

十一



卷四



浙江圖書館





浙江圖書館

浙江圖書館藏書

登記號：111111

一九一一年一月一日



浙江圖書館



浙江圖書館

浙江圖書館善本

甲 登記號：018955

一九 年 月 日



浙江圖書館

colorchecker CLASSIC



x-rite



colorchecker CLASSIC



x-rite

